

INFORME SECTORIAL AUGAS DE GALICIA**ASUNTO: SOLICITUDE DE INFORME DO ESTUDO DE IMPACTO AMBIENTAL E DA SEPARATA DE AUGAS DE GALICIA DO PARQUE EÓLICO SOLPOR (IN408A 2018/26)****UBICACIÓN: CONCELLOS DE MESÍA E ORDES (A CORUÑA)****SOLICITANTE: SERVIZO DE ENERXÍA E MINAS DA XEFATURA TERRITORIAL DE A CORUÑA DA VICEPRESIDENCIA SEGUNDA E CONSELLERÍA DE ECONOMÍA, EMPRESA E INNOVACIÓN****PROMOTOR: GREEN CAPITAL POWER, S.L.****Obxecto**

O obxecto deste informe é dar resposta á solicitude do 17 de decembro de 2021, do Servizo de Enerxía e Minas da Xefatura Territorial de A Coruña da Vicepresidencia Segunda e Consellería de Economía, Empresa e Innovación, referente á obtención de informe, dentro das competencias de Augas de Galicia, sobre o Estudo de Impacto Ambiental do Parque Eólico Solpor, de outubro de 2021, e sobre a Separata de Afeccións a cauces do proxecto de execución do Parque Eólico Solpor, de outubro de 2021, en cumprimento do artigo 37.2 da Lei 21/2013, do 9 de decembro, de avaliación ambiental, do artigo 33.12 da Lei 8/2009, do 22 de decembro, pola que se regula o aproveitamento eólico en Galicia e se crea o canon eólico e o Fondo de Compensación Ambiental, modificada pola Lei 5/2017, do 19 de outubro, de fomento da implantación de iniciativas empresariais en Galicia e pola Lei 9/2021, do 25 de febreiro, de simplificación administrativa e de apoio á reactivación económica de Galicia, e nos artigos 127 e 131 do Real Decreto 1955/2000, do 1 de decembro, polo que se regulan as actividades de transporte, distribución, comercialización, subministración e procedementos de autorización de instalacións de enerxía eléctrica, e demais normativa vixente de aplicación.

Segundo se indica na documentación aportada, o obxecto do Estudo de Impacto Ambiental é subministrar información das afeccións ambientais derivadas da instalación e explotación do Parque Eólico, de agora en diante PE, Solpor, así como as medidas correctoras, minimizadoras e compensatorias previstas.

A Separata ten por obxecto dar a coñecer a Augas de Galicia (Consellería de Infraestruturas e Mobilidade) as características fundamentais do parque, así como os permisos aos que proceda. Para tal fin, lévase a cabo unha descrición xeral das características do parque e dos traballos a realizar.

Antecedentes

Con data 27 de abril de 2020, o Servizo de Avaliación Ambiental de Proxectos da Dirección Xeral de Calidade Ambiental e Cambio Climático da Consellería de Medio Ambiente, Territorio e Vivenda notifica a Augas de Galicia inicio de consultas previsto no artigo 34 da Lei 21/2013, do 9 de decembro de Avaliación Ambiental.

Con data 8 de setembro de 2021, a Vicesecretaría Xeral de Apoio á Empresa remite a Augas de Galicia Certificado do Consello da Xunta de Galicia do 2 de setembro de 2021, no que se adoptou o acordo de denegar a declaración de iniciativa empresarial prioritaria, ao abeiro do establecido nos artigos 42 e 43 da Lei 5/2017, do 19 de outubro, de fomento da implantación de iniciativas empresariais en Galicia, modificada pola Lei 3/2018, do 26 de decembro, de medidas fiscais e administrativas, e pola Lei 9/2021, do 25 de febreiro de simplificación administrativa e de apoio á reactivación económica de Galicia, do proxecto do PE Solpor, promovido por Green Capital Power, S.L.



O 20 de decembro de 2021, a Vicepresidencia Segunda e Consellería de Economía, Empresa e Innovación publicou no DOG Nº 242 o Acordo do 10 de decembro de 2021, da Xefatura Territorial da Coruña, polo que se someten a información pública a solicitude de autorización administrativa previa, a autorización administrativa de construción, o estudo de impacto ambiental e o proxecto sectorial (proxecto de interese autonómico, PIA) do proxecto do parque eólico Solpor, nos concellos de Mesía e Ordes (expediente IN408A 2018/26).

Lexislación aplicable

- Real Decreto Lexislativo 1/2001, do 20 de xullo, polo que se aproba o Texto Refundido da Lei de Augas, en diante TRLA.
- Regulamento do Dominio Público Hidráulico, aprobado por Real decreto 849/1986, do 11 de abril, en diante RDPH.
- Lei 9/2010, do 4 de novembro, de Augas de Galicia.
- Decreto 1/2015, do 15 de xaneiro, polo que se aproba o Regulamento da planificación en materia de augas de Galicia e régulanse determinadas cuestións no desenvolvemento da Lei 9/2010, do 4 de novembro, de augas de Galicia
- Real decreto 11/2016, do 08 de xaneiro, polo que se aproba o Plan Hidrolóxico da Demarcación Hidrográfica de Galicia Costa, en diante PHGC.
- Directiva 2007/60/CE do Parlamento Europeo e do Consello, do 23 de outubro de 2007, relativa á avaliación e xestión dos riscos de inundación.
- Real Decreto 903/2010, do 9 de xullo, de avaliación e xestión de riscos de inundación.
- Real Decreto 19/2016, do 15 de xaneiro, polo que se aproba o Plan de Xestión do Risco da Inundación da Demarcación Hidrográfica de Galicia – Costa.
- Directiva 2000/60/CE do Parlamento Europeo e do Consello, do 23 de outubro de 2000, pola que se establece un marco comunitario de actuación no ámbito da política de augas.

Análise da documentación

A documentación aportada para o presente informe é a seguinte: **“Proyecto de Ejecución Parque Eólico Solpor. Separata Afecciones a Cauces”**, de outubro de 2021, asinado polo enxeñeiro Industrial do ICIICV D. Salvador Camarasa Segura, colexiado nº 4901 do Ilustre Colexio de Enxeñeiros Industriais de Galicia, e visado pola mesma entidade en data 28/10/2021, que inclúe unha memoria, planos e un apéndice, e **“Estudio de Impacto Ambiental Parque Eólico Solpor”** de outubro de 2021, redactado e asinado por un equipo multidisciplinar da empresa Resolve Enerxía, SL, que inclúe unha Memoria, Planos e Anexos. (Anexo nº1. Caracterización da comunidade faunística, Anexo nº2. Estudo acústico, Anexo nº3. Estudo de impacto arqueolóxico, Anexo nº4. Reportaxe fotográfica, Anexo nº5. Estudo socioeconómico, Anexo nº6. Proxecto de revexetación, Anexo nº7. Plans de seguimento específicos, Anexo nº8. Estudo de impacto e integración paisaxística, Anexo nº9. Estudo de impacto turístico, Anexo nº 10. Avaliación de efectos acumulativos, Anexo nº11. Estudo de afeccións á saúde pública, Anexo nº12. Estudo da vulnerabilidade do proxecto, Anexo nº13. Estudo de parpadeo de sombras, Anexo nº14. Estudo de repercusións en espazos RN2000, Anexo nº15. Estudo de afección electromagnética, Anexo nº16. Resposta informes organismos, Anexo nº 17. Bibliografía, Anexo nº18. Documento de síntese). Todo elo en formato dixital (PDF).

A continuación descríbense as obras do parque eólico segundo a documentación aportada.



O parque eólico Solpor atópase emprazado nos concellos de Ordes e Mesía, na provincia de A Coruña, dentro da área de desenvolvemento eólico (ADE) Ordes. O parque eólico estará formado por cinco aeroxeradores de 4,8 MW de potencia unitaria, sendo a potencia total a instalar de 24 MW.

As coordenadas da poligonal do PE Solpor son as seguintes:

Coordenadas Poligonal (UTM FUSO 29 ETRS89)			
Vértice poligonal	X	Y	Concello
P1	555.875,07	4.771.986,49	Mesía
P2	551.450,00	4.772.201,00	Ordes
P3	551.450,00	4.775.620,00	Ordes
P4	555.779,39	4.775.620,00	Mesía

As coordenadas dos aeroxeradores son as seguintes:

Coordenadas dos aeroxeradores (UTM FUSO 29 ETRS89)			
Aeroxeradores	X	Y	Concello
SOL-01	552.540,00	4.774.979,00	Ordes
SOL-02	553.073,00	4.774.813,00	Ordes
SOL-03	553.833,00	4.774.946,00	Ordes
SOL-04	554.368,00	4.774.858,00	Mesía
SOL-05	554.700,00	4.774.132,00	Ordes

Dentro das infraestruturas do parque eólico tamén está previsto a instalación dunha subestación de control e dunha torre meteorolóxica, cuxas coordenadas móstranse a continuación:

Coordenadas (UTM FUSO 29 ETRS89)		
Infraestrutura	X	Y
Subestación SET	554.139,63	4.774.980,15
Torre meteorolóxica SOL-TP	555.032,00	4.773.989,00

As características técnicas da instalación son:

Principais Características Técnicas	
Número de aeroxeradores	5
Potencia nominal unitaria (MW)	4,8
Potencia total instalada (MW)	24
Altura de buxeiro (m)	120
Diámetro de rotor (m)	155
Producción media neta o vertida a rede (MWh/año)	69.462
Horas netas equivalentes a potencia nominal	2.894 h

Para a evacuación da enerxía xerada no PE Solpor, proxéctase unha liña de evacuación de 132 kV e partirá do pórtico da subestación eléctrica transformadora (SET) Solpor e rematará no apoio 18 da liña de alta tensión (LAT) 132 kV Gasalla – Mesón. Será unha liña de simple circuito, cunha



lonxitude total de 709,57 m e unha tensión entre fases de 132 kV sendo as súas características xerais as seguintes:

Características Xerais LAT PE SOLPOR	
Tensión nominal	132 kV
Nº de condutores por fase	Uno (configuración simplex)
Disposición de condutores	Simple circuito
Lonxitude da liña	0,70957 km
Condutores por circuito	Tres Al-Ac (147-AL1/34-STI A) - LA-180
Cables de terra	Cable composto OPGW - 48
Apoios	Metálicos de celosía
Illadores	U-120-BS
Clasificación segundo a latitude	Zona A
Clasificación segundo a tensión	Primeira categoría

As coordenadas dos apoios recóllense na seguinte táboa:

LAT 132 Kv EVACUACIÓN PE SOLPOR		
Nº Apoio	Coordenadas (ETRS89 F29)	
	X	Y
Pórtico SET Solpor	554.139	4.775.002
AP-01	554.136	4.775.026
AP-02	554.141	4.775.097
AP-03	554.363	4.775.313
AP-04	554.414	4.775.363
AP-05	554.465	4.775.386
AP-06	554.618	4.775.458
AE-18	554.648	4.775.471

Os apoios serán de tipo metálicos de celosía e as súas cimentacións serán de formigón en masa. Con respecto aos accesos aos apoios consideráronse 4 metros de anchura naquelas zonas onde non haxa camiño existente. Estes accesos empregaranse unicamente durante a construción da liña para o tránsito dos materiais e equipos de montaxe e, unha vez rematada a obra, poderán ser revertidos ao seu estado orixinal.

A obra civil que se proxecta comprende as seguintes actuacións:

- Accesos e viario interior

Definiuse unha rede viaria composta por cinco viais cunha lonxitude total aproximada de 6,15 km. Como norma xeral, os viais terán 5 m útiles, excepto no vial de acceso á torre meteorolóxica que será de 4 m. No interior das curvas adoptárase un sobreancho de 1 m cando o radio sexa menor a 100 m. A pendente transversal dos viais será do 2 % co obxecto de garantir a drenaxe dos mesmos.

- Cimentacións

A cimentación tipo considerada para os aeroxeradores será circular de 22,40 m de diámetro con canto variable entre 1 m no canto exterior e 2,2 m no entronque co pedestal, o cal terá 0,95 m de



altura e 11,16 m de diámetro. A altura total da cimentación será de 3,15 m no oco central máis 0.50 m de lousa de fondo.

O formigón empregado para a construción da zapata será HA-35 tanto na lousa coma no pedestal e na lousa de fondo. O aceiro para as armaduras será B-500-S e deixaranse instalados pasatubos para a entrada da liña eléctrica.

- Plataformas de montaxe

As zonas e dimensións das plataformas establecidas nas especificacións do fabricante do aeroxeradores son:

- ✓ Zona de almacenaxe dos tramos da torre.
- ✓ Zona de provisión de pas.
- ✓ Zona de montaxe do guindastre principal.

Todas as plataformas serán da mesma tipoloxía e dimensións excepto a do aeroxerador SOL-05 que terá unhas dimensións específicas sendo 7,5 m máis ancha, e terán unha pendente transversal nula e lonxitudinal entre 0.5 e 1%. Por outra banda, a plataforma de montaxe da pluma terá unha pendente lonxitudinal máxima de 2% en sentido descendente e do 8% en sentido ascendente.

- Gabias de cableado

O sistema colector de media tensión (MT) estará formado por dous circuitos de 30 kV en instalación subterránea e terá como obxecto a canalización da enerxía xerada polas aeroturbinas ata a SET Solpor. O cable utilizado será condutor de aluminio RHZ1-2OL, 18/30 kV, de diferentes seccións (95, 150 e 400 mm²).

A posta a terra da rede de MT estará constituída por un cable de cobre espido, de sección mínima 50 mm², tendido ao longo da canalización de MT no fondo da gabia. O sistema de posta a terra será único para a totalidade do parque eólico.

Pola mesma gabia das citadas liñas de MT instalarase unha rede de comunicacións que utilizará como soporte un cable de fibra óptica monomodo con fibras de 9/125 µm e que se empregará para a monitorización e control do PE.

- Instalacións auxiliares

Son as seguintes:

- Zonas de xiro. Dispostos nas proximidades das posicións SOL-01, SOL-02 e SOL-03 e SOL-04.
- Zonas de cruzamento ou agarda para facilitar as manobras de paso dos vehículos.
- Zonas de provisión que se empregarán para o almacenamento do material durante a fase de obras. Situarase xunto ao vial SOL-VIAL-01.

- Torre meteorolóxica

Instalarase unha torre meteorolóxica co fin de servir de referencia para a correcta regulación e control do parque eólico e terá unha cimentación cadrada de 10 m de lado.

- Subestación e edificio de control

A subestación Solpor disporá dun edificio de control con salas independentes para distintos usos (salas de oficina, vestiario, aseo, comedor, sala de celas, sala de protección e control, sala de supervisión, control e adquisición de datos (SCADa), almacén e taller).



O parque de intemperie de 132 kV en intemperie conta cunha posición de liña-transformador na que se inclúen todos os elementos asociados, tales como autoválvulas, transformadores de tensión, transformadores de intensidade, seccionador e interruptor automático.

No tocante ás afeccións ao medio hídrico, a Separata, no apartado 10 da memoria e no plano nº 9 "Drenaxe. Planta Xeral", identifica a afección ao río de Cerdeiros localizada no PK 2+000 do vial SOL-VIAL-01, o cal dá acceso ao aeroxerador SOL-05. Dito leito correspóndese cunha liña de auga derivada da análise hidrolóxica a cal está contida na cartografía da rede hidrográfica do Ministerio para a Transición Ecolóxica e o Reto Demográfico. A continuidade do leito proxéctase a través da obra de drenaxe transversal existente (1 tubo de diámetro nominal 1500 mm) e por medio da drenaxe da cuneta existente da Autoestrada do Atlántico.

No Estudo de Impacto Ambiental, de agora en diante EsIA, no apartado 10.1.6 e no plano nº 9 "Hidroloxía" descríbense as seguintes afeccións ao Dominio Público Hidráulico por parte das instalacións do parque eólico e da liña de evacuación do mesmo:

- 1- O vial de acceso ao aeroxerador SOL-05 sitúase nun treito de 146 m sobre a zona de policía dun rego innominado, tributario do río Buxán.
- 2- O vial de acceso ao aeroxerador SOL-04 cruza o río de Cerdeiros, tributario do río Traveso. Devandito vial proxéctase sobre unha estrada existente na actualidade, a cal será necesaria acondicionar para permitir o tránsito dos transportes espaciais.
- 3- O vial de acceso aos aeroxeradores SOL-02 e SOL-01 sitúanse nun treito de 138 m sobre a zona de policía dun rego innominado, tributario do rego Castrexo. Devandito vial xa existe na actualidade, polo que soamente será necesario acondicionalo para permitir o tránsito dos transportes especiais.
- 4- Parte da plataforma de montaxe do aeroxerador SOL-01 sitúase sobre a zona de policía do rego Castrexo.
- 5- O camiño de acceso ao apoio 6 da liña de evacuación PE Solpor cruza o río Través.
- 6- Os últimos 177 m do treito da liña de evacuación transcorren sobre a zona de policía do río Traveso.

O EsIA, no apartado 12, inclúe unha identificación e valoración de impactos sobre o medio ambiente. No tocante á hidroloxía, engloba os máis importantes que poderían existir en dúas categorías:

- Alteración da calidade das augas por:
 - o Depósito de sedimentos nos cursos de auga, o cal produce un aumento de sólidos en suspensión, alterando as condicións das comunidades bentónicas.
 - o Contaminación por vertedura de produtos contaminantes.
- Modificación da rede hidrográfica.

Conclúe considerando que o impacto global sobre o medio hídrico é COMPATIBLE. Ademais, aseguran que durante a realización das obras, desenvolverase un programa de vixilancia específico sobre a hidroloxía do entorno.

En canto ás medidas correctoras e protectoras para a prevención, eliminación e redución dos impactos ambientais asociados á execución do proxecto, o EsIA recolle no apartado 13 da memoria unha serie de medidas destinadas a tal fin. Respecto da protección das augas, indícase entre outras medidas, que será necesario obter autorización administrativa previa do organismo de cunca (Augas de Galicia) para as obras que se leven a cabo na zona de policía de cauces.



O documento ambiental tamén inclúe no apartado 14 un Programa de Vixilancia Ambiental para garantir o cumprimento das medidas protectoras e correctoras, e un Proxecto de Revexetación das zonas afectadas polas obras no anexo 6.

INFORME:

Polo tanto, á vista da documentación aportada, procédese a informar os seguintes aspectos que se detallan a continuación, sen prexuízo das demais competencias que ten atribuídas este organismo de conca e sen entrar a valorar outras consideracións técnicas, urbanísticas ou ambientais que non son obxecto deste informe.

Rede Fluvial

O parque eólico Solpor atópase situado nos concellos de Ordes e Mesía, na provincia de A Coruña. A poligonal do mesmo sitúase dentro da ADE Ordes dentro do ámbito de actuación da Demarcación Hidrográfica Galicia Costa. O sistema de explotación no que se sitúa dita infraestrutura é o 6 "RÍO TAMBRE E RÍA DE MUROS E NOIA".

Discorren, próximos ás actuacións definidas na documentación achegada, os seguintes leitos fluviais codificados por Augas de Galicia: o río Samo (204030), o río Traveso (20403012) e o río Buxán (20403016), así como os seus respectivos afluentes. Os encoros máis próximos á zona de implantación do parque son o encoro de Vilasenín ou San Cosmade (ES.014.MR.204.038.05.00) a uns 6 km ao noroeste do parque, o encoro de Vilagudín (ES.014.MR.204.038.03.00) a uns 11 km ao oeste do parque e o encoro de Beche a uns 6 km ao nordeste das instalacións. Pódese consultar e contrastar estes extremos na web de Augas de Galicia <http://mapas.xunta.gal/visores/dhgc/>.

Vista a documentación presentada, e segundo o visor de Augas de Galicia, consultada a rede de detalle 2021 da Demarcación Hidrográfica Galicia – Costa, detéctase un cruzamento do río de Cerdeiros tributario do río Traveso (20403012) por un vial do parque e pola gabia de cableado eléctrico e afeccións por parte das distintas infraestruturas do parque á zona de policía do rego Castrexo (2040301602) e de varios dos seus afluentes, e tamén á de varios regos innominados tributarios do río Buxán (20403016) e do río Traveso (20403012). En canto ás afeccións producidas pola execución da liña de evacuación asociada ao parque eólico, identifícase o voo da liña aérea nas zonas de policía do río Traveso e dun afluente seu, así como o apoio nº 6 no mesmo ámbito.

A continuación enuméranse as afeccións ao medio hídrico por parte das instalacións do parque eólico proxectadas, detectadas segundo o visor indicado e a documentación achegada:



- Táboa de afeccións por parte do PE Solpor:

Nº	Curso fluvial afectado (segundo o visor na capa rede fluvial detalle 2021)	Cruce/Zona de Policía (segundo o visor)	Tipo de afección descrita no Estudo de Impacto Ambiental e na Separata	Tipo de afección detectada no visor de Augas de Galicia na capa rede fluvial detalle 2021 (coordenadas UTM ETRS89 F29)
1	Rego Castrexo (sen codificar) tributario do rego Castrexo (2040301602)	Zona de policía	Respecto do EsIA : - no apartado 10.1.6 da memoria identifica parte da plataforma de montaxe do aeroxerador SOL-01 sobre a zona de policía do rego Castrexo. - no plano nº9 "Hidroloxía" identifica parte do vial, do voo das pas, da plataforma e da zona de provisión de pas en zona de policía do rego Castrexo.	Afección á zona de policía do rego Castrexo (sen codificar) tributario do rego Castrexo (2040301602) pola execución do vial de acceso, a gabia de cableado, a plataforma, a zona de montaxe da pluma do guindastre principal e a zona de provisión de pas da posición de aeroxerador SOL-01 na zona delimitada entre as coordenadas (X= 552.421,75; Y= 4.774.946,12) e (X= 552.600,120; Y= 4.774.957,51) Afección á zona de policía do rego Castrexo (sen codificar) tributario do rego Castrexo (2040301602) polo voo das pas do aeroxerador SOL-01 na zona delimitada polos puntos de coordenadas (X= 552.462,74 ; Y=4.774.974,26) e (X= 552.613,93; Y= 4.774.955,77). O cauce presenta unha bacía de aportación inferior a 1 km ² .
2	Rego Castrexo (2040301602)	Zona de policía	Respecto do EsIA : - no plano nº9 "Hidroloxía" identifica parte do voo das pas e da plataforma do aeroxerador SOL-02 en zona de policía do rego Castrexo.	Afección á zona de policía do rego Castrexo (2040301602) pola execución da plataforma da posición do aeroxerador SOL-02 na zona delimitada polos puntos de coordenadas (X= 553.052,38; Y= 4.774.786,84) e (X= 553.062,21; Y= 4.774.762,44). Afección á zona de policía do rego Castrexo (2040301602) polo voo das pas os aeroxerador SOL-02 na zona delimitada polos puntos de coordenadas (X= 553.012,84; Y= 4.774.861,73) e (X= 553.070,17; Y= 4.774.735,60).
3	Rego innominado (sen codificar) tributario do rego Castrexo (2040301602)	Zona de policía	Respecto do EsIA : - no plano nº 9 "Hidroloxía" identifica parte do voo das pas e da zona de provisión de pas do aeroxerador SOL-02 na zona de policía dun rego innominado. Respecto da Separata non se identifican afeccións.	Afección á zona de policía do rego innominado (sen codificar) tributario do rego Castrexo (2040301602) pola execución da zona de provisión de pas na zona delimitada polos puntos de coordenadas (X= 553.110,78; Y= 4.774.831,59) e (X= 553.142,41; Y= 4.774.750,74). Afección á zona de policía do rego innominado (sen codificar) tributario do rego Castrexo (2040301602) polo voo das pas do aeroxerador SOL-02 na zona delimitada polos puntos de coordenadas (X=553.095,61; Y=4.774.887,03) e (X= 553.135,05; Y= 4.774.766,72). O cauce presenta unha bacía de aportación inferior a 1 km ² .



Nº	Curso fluvial afectado (segundo o visor na capa rede fluvial detalle 2021)	Cruce/Zona de Policía (segundo o visor)	Tipo de afección descrita no Estudo de Impacto Ambiental e na Separata	Tipo de afección detectada no visor de Augas de Galicia na capa rede fluvial detalle 2021 (coordenadas UTM ETRS89 F29)
4	Rego innominado (sen codificar) tributario do rego Castrexo (2040301602)	Zona de policía	Respecto do EsiA : - no apartado 10.1.6 da memoria identifica 138 m do vial de acceso aos aeroxeradores SOL-01 e SOL-02 dentro da zona de policía dun rego innominado tributario do río Castrexo. - no plano nº9 "Hidroloxía" identifica un tramo do vial do parque e da gabia de cableado na zona de policía dun rego innominado. Respecto da Separata non se identifican afeccións.	Afección á zona de policía do rego innominado (sen codificar) tributario do rego Castrexo (2040301602) polo vial e pola gabia de cableado entre os puntos do eixo do vial de coordenadas (X= 553.210,69; Y= 4.775.206,31) e (X= 553.346,98; Y= 4.775.165,33). O cauce presenta unha bacía de aportación inferior a 1 km ² .
5	Río de Cerdeiros (sen codificar) tributario do río Traveso (20403012)	Cruzamento e zona de policía	Respecto do EsiA : - no apartado 10.1.6 da memoria identifica o cruzamento do río de Cerdeiros tributario do río Traveso polo vial de acceso ao aeroxerador SOL-04. - no plano nº 9 "Hidroloxía" identifica o cruzamento do río de Cerdeiros polo vial do parque e a gabia de cableado. Respecto da Separata : - no apartado 10 da memoria identifica a interceptación do río de Cerdeiros no P.K. 2+000 do vial SOL-VIAL-01, de acceso ao aeroxerador SOL-05. - no plano nº 9 "Drenaxe. Planta Xeral" folia 6 de 16 identifica o cruzamento do río de Cerdeiros polo vial SOL-VIAL-01.	Afección á zona de policía do río de Cerdeiros (sen codificar) tributario do río Traveso (20403012) polo vial de interconexión, a gabia de cableado e a conexión a viais existentes entre os puntos do eixo do vial de coordenadas (X=554.844,23; Y= 4.774.737,93) e (X= 554.871,91; Y= 4.774.536,58). Cruzamento do río de Cerdeiros (sen codificar) tributario do río Traveso (20403012) polo vial de interconexión e a gabia de cableado no punto de coordenadas (X=554.856,12; Y= 4.774.638,01).
6	Rego innominado (sen codificar) tributario do río Traveso (20403012)	Zona de policía	Respecto do EsiA : - no apartado 10.1.6 da memoria identifica o cruzamento do río de Cerdeiros tributario do río Traveso polo vial de acceso ao aeroxerador SOL-04. - no plano nº 9 "Hidroloxía" identifica a afección á zona de policía dun rego innominado polo vial e a gabia de cableado. Respecto da Separata non se identifican afeccións.	Afección á zona de policía do rego innominado (sen codificar) tributario do río Traveso (20403012) polo vial de interconexión, a gabia de cableado e a conexión ao vial existente entre os puntos do eixo do vial de coordenadas (X= 554.870,68; Y= 4.774.585,23) e (X= 554.864,69; Y= 4.774.382,34). O cauce presenta unha bacía de aportación inferior a 1 km ² .



Nº	Curso fluvial afectado (segundo o visor na capa rede fluvial detalle 2021)	Cruce/Zona de Policía (segundo o visor)	Tipo de afección descrita no Estudo de Impacto Ambiental e na Separata	Tipo de afección detectada no visor de Augas de Galicia na capa rede fluvial detalle 2021 (coordenadas UTM ETRS89 F29)
7	Rego innominado (sen codificar) tributario do río Buxán (20403016)	Zona de policía	Non se identifica esta afección na documentación aportada.	Afección á zona de policía do rego innominado (sen codificar) tributario do río Buxán (20403016) pola zona de montaxe da pluma do guindastre principal na posición do aeroxerador SOL-05 na zona delimitada polos puntos de coordenadas (X= 554.851,49; Y= 4.774.068,80) e (X= 554.869,10 ; Y= 4.774.070,53). O cauce presenta unha bacía de aportación inferior a 1 km ² .
8	Rego innominado (sen codificar) tributario do río Buxán (20403016)	Zona de policía	Respecto do EsIA : - no apartado 10.1.6 da Memoria identifica 146 m del vial de acceso ao aeroxerador SOL-05 dentro da zona de policía dun rego sen nome, tributario do Río Buxán. - no plano nº 9 "Hidroloxía" identifica a afección á zona de policía dun rego innominado tributario do río Buxán polo vial de acceso ao parque. Respecto da Separata non se identifican afeccións.	Afección á zona de policía do rego innominado (sen codificar) tributario do río Buxán (20403016) polo vial de interconexión do parque, a gabiá de cableado e a conexión a un vial existente entre os puntos do eixo do vial de coordenadas (X= 554.899,29; Y= 4.774.067,25) e (X= 554.971,81; Y= 4.773.955,59). O cauce presenta unha bacía de aportación inferior a 1 km ² .
9	Rego innominado (sen codificar) tributario do río Traveso (20403012)	Zona de policía	Non se identifica esta afección na documentación aportada.	Afección á zona de policía do rego innominado (sen codificar) tributario do río Traveso (20403012) polo vial de acceso ao parque entre os puntos do eixo do vial de coordenadas (X= 555.814,79; Y= 4.773.679,76) e (X= 555.824,83; Y=4.773.685,28). O cauce presenta unha bacía de aportación inferior a 1 km ² .
10	Rego innominado (sen codificar) tributario do río Traveso (20403012)	Zona de policía	Non se identifica esta afección na documentación aportada.	Afección á zona de policía do rego innominado (sen codificar) tributario do río Traveso (20403012) polo vial de acceso ao parque entre os puntos do vial de coordenadas (X= 555.806,95; Y= 4.773.680,66) e (X= 555.822,55; Y= 4.773.689,44)



- Táboa de afeccións por parte da liña de evacuación do PE Solpor:

Nº	Tramo aéreo	Curso fluvial afectado (segundo o visor)	Cruzamento / Zona de Policía (segundo o visor)	Tipo de afección descrita no EIA e na Separata	Tipo de afección detectada no visor de Augas de Galicia na capa rede fluvial detalle da actualización 2021 (coordenadas UTM ETRS89 H29)
1	Do apoio 5 ao fin de liña (conexión co apoio AE-22 da LAT SET Gasalla - SET Colectora Mesón)	Río Traveso (sen codificar) tributario do río Traveso (20403012)	Zona de policía	Respecto do EsIA : - No apartado 10.1.16 da Memoria identifícase o cruzamento do río Traveso polo camiño de acceso ao apoio 6 da liña de evacuación do río Traveso. - No plano nº 9 "Hidroloxía", identifica o voo da liña aérea e a localización do apoio 6 na zona de policía dun rego innominado. Respecto da Separata non se identifican afeccións.	Voo de liña aérea na zona de policía entre o punto (X= 554.481,41 ; Y= 4.775.394,21) e o fin de liña. Apoio 6 na zona de policía do río Traveso (sen codificar) tributario do Río Traveso (20403012) no punto (X= 554.618,49 ; Y= 4.775.457,76). O cauce presenta unha bacía de aportación inferior a 1 km ² .
2	Do apoio 5 ao fin de liña (conexión co apoio AE-22 da LAT SET Gasalla - SET Colectora Mesón)	Río Traveso (20403012)	Zona de policía	Respecto do EsIA : - No apartado 10.1.16 da Memoria identifícase os últimos 177 metros da liña de evacuación dentro da zona de policía do río Traveso. - No plano nº 9 "Hidroloxía", identifícase o voo da liña aérea e a localización do apoio 6 na zona de policía dun rego innominado. Respecto da Separata non se identifican afeccións.	Voo de liña aérea na zona de policía entre o punto (X= 554.610,53; Y= 4.775.454,07) e o fin de liña. Apoio 6 na zona de policía do río Traveso (20403012) no punto (X= 554.618,49 ; Y= 4.775.457,76).

Destacar que o apoio 6 sitúase nas zonas de policía do río Traveso e dun rego innominado tributario do anterior.

Cómpre sinalar que no caso de que existan cursos fluviais, cunha conca de aportación inferior a 1 km², ou calquera elemento susceptible de consideración como dominio público hidráulico, seranlles de aplicación a normativa e lexislación de augas, tendo plena vixencia as prescricións establecidas para o dominio público hidráulico.

Deberase cumprir o establecido no artigo 36 da Normativa do PHGC, e segundo o establecido no artigo 9.4 e 78 do RDPH solicitar autorización administrativa de Augas de Galicia. Á solicitude de autorización deberán unirse, ademais unha memoria na que se describan técnica e construtivamente as obras, planos de planta, seccións tipo, e perfís transversais, onde se reflectan as actuacións a realizar e as marxes dos cauces así como a zona de servidume e policía. Deberán igualmente definirse construtivamente os cruces dos cauces no caso de que se modifiquen os existentes, ou se realicen novos cruces. Nese momento procedemental poderase solicitar por parte de Augas de Galicia canta documentación se considere necesaria.

No caso da liña obxecto de informe non se producen cruzamentos con ningún curso fluvial. En canto aos accesos aos apoios, o EsIA indícase que soamente executaranse durante a fase de obra e que unha vez rematada a obra, o terreo será revertido ao seu estado orixinal. A este respecto, no caso de que novos camiños de acceso ou as modificacións dos existentes así como as zonas de ocupación temporal necesarias para o desenvolvemento das obras requiran actuacións localizadas



en zona de Dominio Público Hidráulico ou en zona de policía deberase solicitar autorización administrativa de Augas de Galicia.

Recoméndase ademais que na documentación a aportar inicialmente para a tramitación da autorización se inclúan, plano de situación a escala suficiente, especificando claramente a traza da liña respecto aos cauces públicos afectados (sinalando as dúas marxes do cauce) e os apoios, planos de planta coas coordenadas dos apoios e os cruces, así como a distancia dos apoios as marxes dos cauces, no caso de estar en zona de policía. Sinalar en todo caso, que os apoios deberán estar fóra da zona de servidume. Deberanse incluír igualmente perfís transversais da liña, nos que queden reflexadas as marxes dos cauces, os apoios e os cables, acoutando a altura mínima dos cables sobre o nivel das máximas crecidas ordinarias, tendo en conta o expresado nos parágrafos anteriores. Nese momento procedemental poderase solicitar por parte de Augas de Galicia canta documentación se considere necesaria.

Do mesmo xeito, indicar que no caso de que a superficie destinada a aloxar o campamento de obra e o punto limpo se sitúe en zona de policía, deberase solicitar autorización administrativa de Augas de Galicia.

Igualmente, no caso de que se realicen talas de árbores en zona de servidume, segundo o establecido no artigo 7 do RDPH se deberá solicitar autorización administrativa a Augas de Galicia.

Destacar en todo caso, que a lexislación sectorial de augas establece unha zona de servidume e policía en tódolos leitos públicos e en toda a súa lonxitude, con independencia da clasificación do solo e con independencia de que estean ou non grafados nos planos de ordenación. Segundo o establecido no artigo 9.4 e 78 do RDPH calquera actuación precisará autorización administrativa do Organismo de Conca independente doutra que teña que ser outorgada por outro Organismo da Administración.

Zonas protexidas

Analizada a documentación aportada, as actuacións propostas non afectan a ningunha das zonas protexidas recollidas no Catálogo de zonas protexidas do PHGC aprobado por R.D. 11/2016 de 8 de Xaneiro.

A información relativa ás zonas protexidas pódese consultar na páxina web de Augas de Galicia, <http://mapas.xunta.gal/visores/dhgc/>.

No tocante ás Zonas de Captación para Abastecemento Humano recollidas no PHGC, non se detecta ningunha captación próxima ás actuacións previstas (considerando unha distancia de 500 m ao redor das obras).

Detállanse a continuación as zonas protexidas e a súa categoría identificadas na contorna das infraestruturas proxectadas:

CLASIFICACIÓN DE ZONAS PROTEXIDAS			
ZONAS DE PROTECCIÓN N.INTERNACIONAL	NOME	CODIFICACIÓN	OBSERVACIÓNS
Reserva da Biosfera	Mariñas Coruñesas e Terras do Mandeo-Zona de Transición.	-	A 1,050 km ao norte das instalacións do parque
Reserva da Biosfera	Mariñas Coruñesas e Terras do Mandeo – Zona Tampón.	-	A 1,8 km ao norte das instalacións do parque



ZONAS DE PROTECCIÓN N. EUROPEO	NOME	CODIFICACIÓN	OBSERVACIÓNS
Zona Sensible DHGC	Encoro de Vilasenín ou San Cosmade	ESRI1220	A 5,65 km ao noroeste das instalacións do parque
Zona Sensible DHGC	Encoro de Beche	ESRI1219	A 5,9 km ao nordeste do apoio 6 da LAT
Zona Captación de Zona Sensible	12	ESCM1220	A 3,8 km cara ao oeste das instalacións do parque
Zona Captación de Zona Sensible	4	ESCM1214	A 4,5 km ao norte das instalacións do parque e a 4,45 ao norte do apoio 5 da LAT
Zona Captación de Zona Sensible	6	ESCM1219	A 4,4 km ao norte do apoio 6 da LAT
ZEC	Río Tambre	ES1110016	A 681 m ao leste das instalacións do parque
ZONAS DE PROTECCIÓN N. ESTATAL	NOME	CODIFICACIÓN	OBSERVACIÓNS
Tramo de Interese de Especies Ameazadas	Tambre	ES014TIEEX000000014	A 11,6 km ao sur das instalacións do parque

Deberase atender as prescricións feitas no PHGC sobre zonas protexidas, así como aos condicionantes establecidos polos organismos competentes.

Zonas inundables

Son zonas inundables, segundo o artigo 26 do PHGC, as delimitadas polos niveis teóricos que acadarían as augas nas enchentes de período estatístico de retorno de cincocentos anos, atendendo a estudos xeomorfolóxicos, hidrolóxicos e hidráulicos, así como de series de enchentes históricas e documentos ou evidencias históricas destas. Segundo o artigo 14 do RDPH, -tendo en conta a súa modificación operada polo Real Decreto 638/2016 (Boletín Oficial do estado do 29 de decembro)-, estes terreos compren labores de retención ou alivio dos fluxos de auga e carga sólida transportada durante as ditas enchentes ou de resguardo contra a erosión. Estas zonas declararanse nos lagos, lagoas, embalses, ríos ou regos.

Ademais, cómpre ter en conta que a cualificación como zonas inundables non alterará a cualificación xurídica e a titularidade demanial dos terreos.

A zona de fluxo preferente, segundo o definido no artigo 27 do PHGC e no 9 do RDPH, é aquela zona constituída pola unión da zona ou zonas onde se concentra preferentemente o fluxo durante as enchentes, ou vía de intenso desaugamento, e da zona onde, para a avenida de 100 anos de período de retorno, se poidan producir graves danos sobre as persoas e os bens, quedando delimitado o seu límite exterior mediante a envolvente de ambas as dúas zonas.

As inundacións producidas polas crecidas non ordinarias considéranse un fenómeno natural aleatorio de ocorrencia periódica, de intensidade e magnitude non previsible polo que teñen a consideración, no caso de producirse, de forza maior (Artigo 41 PHGC).

Para as zonas de fluxo preferente e as zonas inundables deberanse de respectar e recoller expresamente as prescricións recollidas do capítulo VII da Normativa do Plan Hidrolóxico Galicia – Costa (Art. 26 – 41) Protección contra as inundacións. Deste xeito, segundo o artigo 30 “Contido dos instrumentos de planificación de carácter territorial ou urbanístico” deberanse incorporar á documentación do instrumento de planificación de carácter territorial ou urbanístico, naquelas zonas afectadas por Áreas de Risco Potencial Significativo de Inundación (ARPSIs), a seguinte documentación:



- Planos onde se reflecta, sobre a ordenación proposta, o dominio público hidráulico e as súas zonas de servidume e policía.
- Planos onde se reflecta, sobre a ordenación proposta, as zonas inundables.
- Planos onde se reflecta, sobre a ordenación proposta, as zonas de fluxo preferente.

Cabe destacar o seguinte:

No artigo 33 do PHGC recóllense as condicións nas que a Administración Hidráulica de Galicia poderá outorgar as autorizacións nas zonas inundables dentro da zona de policía.

No artigo 34 do PHGC indícanse unha serie de limitacións de usos para a zona de fluxo preferente. Deste xeito, segundo ese artigo, con carácter xeral non se autorizarán nesta zona unha serie de actividades (acampadas ou instalacións destinadas a este fin; a realización de construcións destinadas a vivendas; a execución de instalacións industriais ou edificacións nas que habitualmente haxa presenza de persoas; a construción de cerramentos e valados que non sexan permeables; a realización de recheos ou amoreamentos de materiais de calquera tipo que provoquen unha redución significativa da vía de intenso desaugamento; execución de infraestruturas lineais deseñadas de modo tendente ao paralelismo coa canle, coa excepción das de saneamento, abastecemento e outras canalizacións subterráneas que en todo caso, salvo en zonas puntuais en que non exista solución viable, deberán situarse fóra da zona de servidume).

Do mesmo xeito cabe destacar que para obter a autorización de realización de calquera actividade na zona de fluxo preferente deberase achegar o seguinte: xustificación de que non se modifica de xeito significativo a zona de fluxo preferente, a zona inundable ou o réxime das correntes; xustificación da compatibilidade cos criterios e medidas preventivas que se establezan, se é o caso, no Plan de Xestión do Risco de Inundación e declaración xurada do solicitante no que exprese que coñece e asume o risco asociado ao desenvolvemento da actividade na zona de fluxo preferente e as medidas de protección civil aplicables.

Asemade, deberanse ter en conta as prescricións recollidas nos artigos 9 e 14 do RDPH, coas súas modificacións introducidas polo RD 638/2016. Tamén, -tendo en conta a modificación operada polo dito Real Decreto 638/2016-, deberase atender ao establecido nos novos artigos que se incorporan ao RDPH: 9bis, relativo ás Limitacións de usos na zona de fluxo preferente no solo rural; 9ter, que regula as condicións nas que se poden autorizar as Obras e construcións na zona de fluxo preferente en solos en situación básica de solo urbanizado; 9quater, que establece un Réxime especial en municipios con máis de 1/3 da súa superficie incluída na zona de fluxo preferente; 14bis, no que se establecen as Limitacións de usos do solo na zona inundable.

No artigo 9bis.3 recóllese expresamente que toda actuación na zona de fluxo preferente deberá contar cunha declaración responsable, presentada ante a Administración Hidráulica competente e integrada, no seu caso, na documentación do expediente de autorización, na que o promotor exprese claramente que coñece e asume o risco existente e as medidas de protección civil aplicables ao caso, comprometéndose a trasladar esa información aos posibles afectados, con independencia das medidas complementarias que estime oportuno aplicar para a súa protección. A dita declaración será independente de calquera autorización ou acto de intervención administrativa que teña que ser outorgada polos distintos órganos das Administracións públicas, con sometemento, ao menos, ás limitacións de usos que se establecen no artigo 9bis. En particular, estas actuacións deberán contar con carácter previo á súa realización, segundo proceda, coa autorización na zona de policía ou co informe da Administración Hidráulica. A declaración responsable deberá presentarse ante a Administración Hidráulica cunha antelación mínima dun



mes antes do inicio da actividade nos casos nos que non fose incluída nun expediente de autorización.

Nos artigos 9ter e 9quater, engádesse que, ademais do esixido no artigo 9bis.3, con carácter previo ao inicio das obras, o promotor deberá dispoñer do certificado do Rexistro da Propiedade no que se acredite que existe anotación rexistral indicando que a construción se atopa en zona de fluxo preferente.

No artigo 14bis.3, establécese que, nas zonas inundables, as administracións competentes fomentarán a adopción de medidas de diminución da vulnerabilidade e autoprotección. Ademais, o promotor deberá subscribir unha declaración responsable na que exprese claramente que coñece e asume o risco existente e as medidas de autoprotección aplicables ao caso, comprometéndose a trasladar esta información aos posibles afectados, con independencia das medidas complementarias que estime oportuno adoitar para a súa protección. No artigo 14bis. 4, engádesse que, con carácter previo ao inicio das obras, o promotor deberá dispoñer do certificado do Rexistro da Propiedade no que se acredite que existe anotación rexistral indicando que a construción se atopa en zona inundable.

O artigo 11 do Real decreto Lexislativo 1/2001, establece que os organismos de conca darán traslado ás Administracións competentes en materia de ordenación do territorio e urbanismo dos datos e estudos dispoñibles sobre enchentes, co obxecto de que se teñan en conta na planificación do solo, e en particular, nas autorizacións de usos que se acorden en zonas inundables.

Na páxina web de Augas de Galicia, <http://mapas.xunta.gal/visores/dhgc/> pódese consultar e descargar as ARPSIs (Áreas de Risco Potencial Significativo de Inundación), as manchas de inundación asociadas a distintos períodos de retorno e as zonas de fluxo preferente.

O ámbito de actuación non está afectado por ningunha ARPSI fluvial.

Aproveitamentos hídricos

Na documentación aportada non se fai referencia a afeccións a captacións de auga. Consultado o Libro de Rexistro de Augas de Galicia, e **salvo erro ou omisión**, constan as seguintes captacións inscritas na contorna do ámbito de actuación (considerando unha distancia de 500 metros ao redor das obras) dentro da Demarcación Hidrográfica Galicia-Costa:

Clave	Titular	Coord. X (Datum inscripción)	Coord. Y (Datum inscripción)
DH.A15.18180	Particular	552.192	4.775.057
DH.A15.29572	Empresa	556.195	4.773.206

Destacar, que no caso de afectar a algunha captación de augas inscrita, como consecuencia das actuacións propostas no proxecto obxecto de estudo, deberase contemplar a súa reposición.

O artigo 143 do Regulamento do dominio público hidráulico establece que toda modificación das características dunha concesión requirirá autorización administrativa previa do mesmo órgano outorgante e nos seguintes artigos detállase a tramitación das variacións de características consideradas como esenciais, como pode ser o cambio de punto de captación.

Consecuentemente co indicado no parágrafo anterior, o titular dos traballos deberá elaborar e facilitar ós afectados por esas reposicións toda a documentación necesaria para a tramitación da modificación da correspondente concesión.



Actuacións susceptibles de causar afeccións ao medio hídrico

No caso dos camiños, a drenaxe lonxitudinal e transversal debe cumprir o establecido no artigo 36 da Normativa do Plan Hidrolóxico Galicia Costa:

"Art.36: Obras de paso de infraestruturas de transporte

1. As pontes ou obras de drenaxe transversal dimensionaranse con carácter xeral para o período de retorno de 500 anos, salvo que a Administración hidráulica de Galicia admita outro período de retorno debidamente xustificado no proxecto da nova infraestrutura, atendendo ás peculiaridades da zona, a entidade do leito e das características da propia infraestrutura: tránsito, importancia...

2. As obras de drenaxe dimensionaranse de modo que non se produza acumulación dos escorregamentos nunha determinada zona ou que non se engadan a unha valgada áreas vertentes superiores en máis dun 10 % á superficie da bacía propia. En todo caso, as obras de drenaxe transversal dimensionaranse para a enchente de T=500 anos, e debe xustificarse debidamente ante a Administración hidráulica de Galicia o uso dun período de retorno menor ou, no caso da drenaxe lonxitudinal, xustificando o período de retorno utilizado, atendendo ás peculiaridades da zona e ás características das infraestruturas (tránsito, importancia...), así como a súa afección ao dominio público hidráulico".

Deberase solicitar a correspondente autorización de obras segundo o establecido nos artigos 9.4, 78 e 126 do RDPH onde se estableceran tódalas condicións específicas que procedan no exercicio das funcións de tutela que corresponden a Augas de Galicia, así como as modificacións ou prescricións a ter en conta para que o proxecto sexa compatible coa preservación do medio hídrico.

No caso no que novos camiños de acceso ou as modificacións dos existentes se localicen en zona de policía deberase segundo o establecido no artigo 9.4 e 78 do RDPH solicitar autorización administrativa de Augas de Galicia.

Convén engadir que as obras que no seu día se desenvolvan, haberán de cumprir as Condicións particulares deste informe.

Na documentación presentada explícase que o edificio de control da subestación disporá de aseo, pero non se concreta cal será o sistema de abastecemento de auga potable ou a de saneamento previstos.

Por esta Entidade, cómpre lembrar que se se pretende realizar un aproveitamento de augas, deberá solicitar ante este Organismo de Conca, o uso privativo por disposición legal ou concesión administrativa, tal e como se sinala nos artigos 54 e 59 do TRLA. Asemade, cómpre lembrar que haberá de solicitarse a correspondente autorización de vertido ante este Organismo de Conca, de acordo co establecido no artigo 245 do Regulamento do Dominio Público Hidráulico, se se vai empregar para as augas residuais unha depuradora ou unha fosa non estanca, así como localizar axeitadamente na documentación gráfica o punto de vertido e/ou fosa séptica.

Así mesmo, aínda que non se sinala nada ao respecto na documentación examinada, se houberse algún vertido haberá de solicitarse a correspondente autorización de vertido ante esta Entidade, de acordo co establecido no artigo 245 do RDPH.

Condicións particulares

Para os traballos a realizar, indicados no documento obxecto de informe, que se desenvolvan dentro do territorio Galicia Costa, en zona de servidume, así como os movementos de terras previstas, disporase de barreiras de retención de sedimentos e entre estas e os cauces disporase



un pano de xeotextil chantado ao terreo. Revisaranse periodicamente para repoñelas no caso de deterioro.

Prohíbese acumular sustancias, calquera que sexa a súa natureza e lugar en que se depositen, que constitúan ou poidan constituír un perigo de contaminación das augas (superficiais ou subterráneas) do Dominio Público Hidráulico e/ou de degradación do seu entorno.

Prohíbese o vertido directo ou indirecto de augas ou produtos residuais susceptibles de contaminar as augas continentais ou calquera outro elemento do Dominio Público Hidráulico sen a correspondente autorización de vertido. Deberase obter a preceptiva autorización para calquera novo punto de vertido á canle que puidera producir contaminación do dominio público hidráulico segundo o art. 245 do RDPH, relativo ás autorizacións de vertidos directos e indirectos.

Débense adoptar as medidas que garantan a estabilización de forma adecuada dos solos alterados polo tránsito de maquinaria evitando a erosión e posible arrastre de materiais ata ós leitos.

Durante a execución dos traballos non se poderán utilizar as marxes dos ríos e ribeiras como lugares para o depósito de materiais, parque de maquinaria, lavados e, en xeral, todas aquelas actividades que supoñan un risco de contaminación das augas ou alteracións do ecosistema asociado.

Para o caso de execución dos alicerces e das gabias haberase de considerar non afectar á modificación dos niveles freáticos que puideran alterar captacións existentes aínda que estas non presentaran aparencia de afectación.

No caso da execución dos camiños de servizo, explanación de vellos camiños ou calquera obra de movemento de terras en zona de policía a empresa adxudicataria das obras deberá solicitar a correspondente autorización de obras.

Rematadas as obras, en tódalas aquelas zonas que dalgún xeito sufrisen unha degradación (tránsito de maquinaria en zona de policía) procederase á súa rehabilitación ata conseguir a reposición dos terreos ao estado primitivo.

Os residuos xerados durante a construción terán que ser trasladados a vertedoiro de residuos de construción autorizado e presentarse certificado deste traslado ó remate das obras.

Do mesmo xeito haberase de solicitar autorización para a extracción de prestamos en zona de policía de leitos.

Conclusión

Vista a documentación aportada en relación ao **Proxecto do Parque Eólico Solpor** no relativo aos aspectos sobre os que se solicita informe, conclúese que non é previsible que o proxecto poida causar impactos ambientais significativos, tendo en conta as medidas protectoras e correctoras que o promotor prevé adoptar no documento ambiental presentado e as consideracións a tal efecto referidas no presente informe.

Durante os procesos de execución dos traballos de desenvolvemento e implantación da actuación proposta, de cara a non afección ao dominio público hidráulico, deberán contemplarse as directrices sinaladas no presente informe así como as indicadas na documentación sometida a informe.



Cómpre indicar que o informe emítese estritamente desde o punto de vista das competencias deste organismo de conca, sen entrar a valorar outras consideracións técnicas, urbanísticas ou ambientais que non son obxecto do mesmo e sen prexuízo dos condicionantes que se poidan establecer nas preceptivas autorizacións de Augas de Galicia que se tramiten segundo o establecido nos artigos 9.4, 78 e 126 do RDPH.

Santiago de Compostela

-A xefa de Área de Autorizacións e Concesións- María C. Beneyto González-Baylín (Sinatura dixital)

-O subdirector xeral de Xestión do Dominio Público Hidráulico- Roberto Arias Sánchez (Sinatura dixital)

